

Regnorum Nostrorum Dalmatiae, Croatiae et Slavoniae Officii Banalis Locum-
tenenti et fideli Nobis dilecto. Zagrabiae, ex Officio.

Articulus Decimus Quartus.

Ut ordinata in priori Congregatione ad Instantiam Supplicantium Confiniariorum deputatio effectuetur, statuitur.

Et servitium Suae Majestatis Sacratissimae, et tranquillitatis bonique publici, et ipsius Justitiae, unicuique quod suum est, dari et restitui praecipientis exigit ratio, non minus Dominorum Confiniorum Officialium honori et integritati plebi confinariae medellam ferre; et quoniam ab ipsis in Italia exercituantibus eaque et talis perlata huc esset quaerela, quae non minima contra expressa benignissima Suae Majestatis Sacratissimae Mandata et Dominorum Statuum et Ordinum positivas dispositiones, belligerantibus ibidem constitutis tumultuandi et Domum redeundi dedisse refertur ansam et rationem, ad cujus quaerimoniae remedium quantocius ferendum, sicuti Domini Status medio Commissariorum suorum ad sistendam in Italia pro uno adhuc Anno Militari Militiam non pridem expeditorum, quaerulantes, ut eo facilius ad assumendum unius adhuc Anni belligerationis servitium persvaderi valeant, affidari fecerunt, ita quoque Deputatio praemissa, veluti effectus praeattactae pure et directae in servitium Principis tendentis affidationis, quo celerius (ut quaerulantes, et praesertim in casibus existentes aut debita sibi satisfactione consolari, aut de male et sinistre exposita quaerimonia capacitari, et ita ad persvadendum ibidem faciliiori methodo persvaderi valeant) peragatur, statuitur: Dominique eo commissionati, Auditor confiniorum, et Sigismundus Bussich, mox finitis iminentibus Nativitatis Domini Festis, ut delatam sibi eatenus provinciam peragant, commonentur; occasione peragendae per se conscribendorum conscriptionis, omnes et singulas quaerimoniae nefors suas proposituros admonituri, ad sinistras et minus veras quaerimoniae contra Dominos Officiales proponant, in tali enim eventu sciant se debitas paenas irremissibiliter subituros.

Originale in Archivio Regni Croatiae.

1743. 15. MARTII. VARASDINI.

Articuli Generalis SS. et OO., A. 1743 15. Mensis Martii, Varasdini, celebratae Congregationis.

Anno Domini 1743. die 15. Mensis Martii, Varasdini, sub Praesidio Excellentissimi et Illustrissimi Domini Comitis, Domini Caroli de Battyán, perpetui in Nemeth Uivar, Regnorum Dalmatiae, Croatiae et Slavoniae Bani (Titt.) post felicem, Deo auspice, Suae Excellentiae Banalis modo et ordine prae-